

Cantzoneddas po pipius de sa tradizioni tortoliesa

Contivigiadu dae

Ivan Marongiu

Ufitziu Limba Sarda de Tortolì



CANTONEDDAS

Dringhiliana, non dringhiliana

Dringhiliana, non dringhiliana
Babbu e a mamma ddus tengu in Talana
E su sposu ddu tengu a sa festa
Mandau dd'apu chi torrit notesta
Chi nde chi nonu ddi torru su spàciu
Bestìu dd'apu de pannu de cannàciu
Bestìu dd'apu de pannu de colori
Dogna orrùndini fait fiori
Dogna orrundini fait capella
Tzeraca noa, tzeraca bella
Bella tzeraca, non sias maca
Maca non sias, binu non bias
Binu nieddu, tzeracu de Casteddu

Biddiribou, non biddiribou

Biddiribou, non biddiribou
Totus si cojant e deu nou
Deu puru m'apa a cojai

In Santa Crara nci apa a intrai
In Santa Crara o in Santu Basili
Po ddue dai su tindirintili
Su tindirintili de alas de oru
Bogau m'ant unu caragolu
Unu caragolu de seti trumbitas
Su figiu de su rei non podit tocai is titas
Po non nci ddi ponni unu pei in presoni
Po non nci ddi ponni s'atru in galera
Spaciai m'ant una vida allena
Una vida allena bogada a corrias
Totus is aràngius de is bagadias
De is bagadias de Tortoilì
Mellus a mei chi no a tì
Mellus a mei chi no a piricocu
Corpus de balla a Sisineddu Cocu
Corpus de balla a issu e a sa pobidda
Ca non nci lassat calleddus in bidda
Ca non nci lassat binu in sa carrada
Giogant, giogant a porta serrada
Giogant, giogant a portali abertu
Copari magioni intre muraleddu

Copari magiori non copari magiori
Postu nci dd'ant unu castiadori
Unu castidori de conca niedda
Su chi non papat pani cun piscedda
Su chi non papat pani cun olia
Acabbada siat sa cantzoni mia.

Pìbiri in sànguini

Pibiri in sànguini
Andat in ànguini
Andat e benit
In bia benit
In bia importat
Basili in porta
Basili mannu
Buca de beranu
Buca de austu
Peis de bucu
Peis de mesa
Bai, porta, piga e pesa!

Pitirinchinu

Custu est su porcu
Custu dd'at mortu
Custu dd'at cotu
Custu si dd'at papau
Pitirinchinu ca at scoviau
E non nde dd'ant donau

Ohi, ohi, mortu Lolloi

Ohi, ohi, ohi
Mortu Lolloi
E chini dd'at mortu?
Su babbu sù etotu
E ita dd'at donau?
Unu boe scorrau
E ita dd'at aciuntu?
Uu sacu de pedduncu
A intru de su sacu?
Unu calleddu bracu
A intru de su calleddu?
Unu moru nieddu
A intru de su moru?
Crapitas de oro

A intru de is crapitas?
Tauleddas scritas
A intru de is tàulas?
Centumilla fàulas
A intru de is centumilla?
Unu corru de angioni
A intru de su corru?
Una forrada de pani
A intru de sa forrada?
Unu fundu de pingiada
A intru de su fundu?
Unu pipiu brundu
A intru de su pipiu?
Una calada de erriu

Imbuchendu a crèisia

In sa porta de cresia
Testimònsgiu i mi siat
I mi siat testimònsgiu
In s'ora de su bisòngiu

Sa conta po giogai a cua cua

Piccola mia Martina
Cavalletto è la regina
Cavalletto è la rispagna
E nieddu picaloru
Piccaloru 23
La marchesa fa un re
La marchesa spagnola
Trichi traca bessi fora

Su sinnu de sa grugi

Abba e santa benedita
In su fronti ses iscrita
In su coru addossada
Abba e santa coronada

De nanti a s'altari

Deu m'ingenugru un custu matoni
Primu saludu a su Signori
A pustis a sa Vergini Maria
A totus is santus bonas dias!

Is campanas de Biddamanna

Su calluceddu, su calluceddu
Orrutu a funtana
Bogaindeddu, bogaindeddu
Sa curpa est sa tua ca nce dd'as betau!

Filla mia crepada

Filla mia filla audi ses andada?
Mamma mia, mamma, a domu de connata
Filla mia filla, e ita ddue as fatu?
Mamma mia, mamma, scovau ddu apu
Filla mia filla, e ita dd'at donau?
Mamma mia, mamma, una pìbera ho piscau
Filla mia, filla, audi dd'as tenta?
Mamma mia, mamma, in s'ortali de sa menta
Filla mia, filla, e audi dd'as cota?
Mamma mia, mamma, in sa sartàina trota
Filla mia, filla, e audi dd'as papada?
Mamma mia, mamma, in cudda perda lada
Filla mia, filla, morta crepada!

Serra, serra

Serra, serra
Palas a terra
Palas a muru
Su serradori
Bolit unu scudu!

Bobolloti

Bobolloti, bobolloti
Su chi andat a de noti
Su chi andat a de dì
Bobolloti atacadì

Pètena, pètena

Pètina, pètina
Pilus de oro
Pilus de seda
Faeddu longu
Longu faeddu
Comente a coa
De burricheddu

Dinghi, dinghi sa viola

Dinghi, dinghi sa viola
S'amorada s'istat sola
po non tenni cumpangia
bengasindi a domu mia
ca deu puru soi sola
Dinghi, dinghi sa viola

Duru, duru, duru dai

Duru, duru, duru dai
E su pipiu non si morgiat mai
Peti chi si morgiat cuddu vitelleddu
Ca a su vitellu nosi ddu papaus
E a su pipiu ddu cumandaus
Ddu cumandaus a comporai binu
E si ndi bufat sa metadi in caminu
E tandu ddi narat ca est arrada mala
Duru, duru duru sa ciciolada!

Pipia de Casteddu

Duru duru duru sa pipia de Casteddu
Mamma ti fàit unu bestideddu
e ti fàit una bugiachedda

e nce ddi ponit una cunfeturedda
una confeturredda cun unu boboeddu
Duru duru duru sa pipia de Casteddu!

Beh, beh, mamma non nc'è

Bhe bhe, mamma non nc'è

E a ube est andada?

A sa scalita

A portai sìmbula frita.

E po chini è?

Po s' angionè.

Beni Marrudda,

E papasincredda

Titirimana

Titiri manu ca benit babbai

Unu pilloneddu t'at a portai

Unu pilloneddu deretu de bolai

Titiri manu ca benit babbai

Titirimana ca babbu at a benni

Unu pilloneddu ti dd'at a tenni

Unu piloneddu deretu e ddu tenni
Titirimana ca babbu at a benni

Is didigeddos de sa manu

Su didigeddu
Su didu de s'aneddu
Su de su didali
Su conta dinari
Su moci bobboi

Sana, sana

Sana, sana
Merda (o lati) de arrana
Merda de boi
Sana immoi

Sant'Antiogu

Sant'Antiogu, Sant'Antiogu
Bogamindi s'àliga de s'ogu
Chi est manna bogamindedda
Chi est pitica ingurtinedda

Po candu lampàt

Santa Barbara e Santu Giacu
Bois chi portais is crais de lampu
Bois chi portais is crais de ferru
Non trocheis fillu allenu
Ne in domu e ne in sartu
Santa Barbara e Santu Giacu

Signòn Sisini chi boliat a ddi cantai una cantzoni de su tzeracu

Signòn Sisini, Signor Sinsini
Is benis de bosu bengant a mimi
E a a bosu ddu biaus fatu de is medaus
A buca aberta e ogus serraus
Citi ,citi citi...

Lunis e martis e mèrculis tres

Lunis e martis e mèrculis tres
Giòbia e cенарба e sàbudu ses
Domìnigu sa glòria mia
Cun Gesùs, Giusepe e Maria

Cungedu

Peddi cota e peddi crua
D-onniunu a domu sua!

Is dìs de sa cida
Lunis, merda (giogos) a funis
Martis in terra ti spacis (in artu sartis)
Mècuris, compras e bendid (merda bèntulis)
Giòbia basa in (faci) culu e chini dd'atobiat
Cenarba, su mucu finas a s'arba
Sàbudu, merda (amigus) de càbudu in càbudu,
Domìnigu, merda (abba) a cadinus

Mammaiola

Mammaiola, mammaiola
Bai a Casteddu sola, sola
Portami un'aneddu
Un'aneddu de isposai
Ca gai t'apa a cumbidai
A pani e a casu
A pani e a petza
Ancu ti pighit sa scurrentza
De Maria Casula

Su paneri (culu) puntu a sula
A ispagu tirau
Una punta de costau!

Su pibitziu prìngiu

Su pibitziu prìngiu
Corcau brent'a soli
A su tròddiu de su dotori
Ddi pigat a scimìngiu

**Candu unu bolet biri una cosa in su sonnu (po
indovinai) si dice prima di dormire**

Santu Simoni miu gloriosu
O gloriosu Santu Simoni
Artziaus seis a monti Lioni
A monti Lioni seis artziaus
A sa manu dereta seis furriaus
Seis furriaus a sa manu dereta
Su chi tengu in coru ddu biu notesta
Chi est de bonu
Bìngi prantada e mesa preparada

Chi est de malu
Fogu ardenti e erriu currendu

Deu isciu una cantzoni

Deu isciu una cantzoni
De Perdu Pistixoni
E de Perdu Calacasu
Donamì panu e petza
Donmì pani e petza
Anca ti pighit sa scurrentza
De maria casula
Su culu puntu a sula
A ispagu tirau
Una punta de costau

Duru-duru

Duru-duru-duru e duru-duru-duru
A su pipiu pèrtias a culu
A su pipiu a culu isnadiadas
Po nde ddi bogai sa bëtieddas mala
Po nde ddi bogai is malas betias
E a su pipiu a culu nadias

Maria, Maria

Maria, maria pilisa-pilisa
Sa chi non portat sali in sa camisa
Sa chi nan portat Sali in su giponi
In de Baunei corcaus a muntoni

Martis a bìngia e crasi a binnennai

Martis a bìngia e crasi a binnennai
A ndi binnennai s'agina niedda
[Letizia Mereu] in pitzu de sedda
[Giusepi Berrina] po nde da calai
Martis a bìngia e crasi a binnennai

A pei, a pei

A pei, a pei
Coscia de me-me
Coscia de angioni
A peinconi

A Santa Arega andeus

Santa Arega andeus totus a una camarada
Imparis ndi torreus totus a camba segada

A sa luna

Luna, luna
Donami fortuna
Donami dinai
Po mi cojai
Po mi fai bella
Sa luna cun sa stella

Goparis e gomaris

A gomais si feus
de fillus de Deus
De Santu Giuanni
Nosi faeus a gopai
Bonas dias gopà
Bonas tardas gopà

Goparis e gomaris
A gomai si feus
de fillas de Deus

De Santu Giuanni

Si faeus a gomai

Bonas dias gomà

Bonas tardas gomà

Duru-duru, duru-sia

Duru-duru, duru-sia

Is campanas de cresìa

I-ddas sonant a mangianu

Su puddu calaritanu

Sa dama campidanesa

Cantu su coro mi pesa

La ido e no la toco

Cerasia marracoco

Cerasia mela e pruna

Babu mi nde pighet una

Po stentai a mamai

Duru-duru e tai tai

Duru duru duru tai

Is campanas de Ollolai

Sonant goi e gai

Is campanas de Gavoi

Sonant gai e goi

Is campanas de cresia

Anninnia, anninnia

Dormidì sa pipia

Dormi e piga su sonnu

Fai a fillu bonu

A fillu bonu fai

Po su cuntentu de mamai

Su burricheddu e zia

Min'ci 'ha pappau sa farra

An cu du bia zurpu

Sonendu sa ghitarra.

In pitzu de cuddu monti

Mi pongu a fai arranda

Notesta o crasi a noti aspetu sa domanda